

Wat vör Früd' is über grötter,
As to danzen in den Kroog,
By Musik unn Juchheiroopen,
Dät uns' Röcke fleeegen hoch!

Hei! Juchhei! Det is en Läwen,
't mag im Himmel ook so sinn,
Immer poarwies, Brüms unn Brutens —
Unn det heet de Paster Sünn'!

Doch ick weet wol: wenn he dörfte,
Unn ook künn', he danzt' alleen;
Öber so is he en Schwartrock,
Unn vör Oller schlecht to Been.

Drüm ick holl et met de Bibel,
Het doch Doavid ook gedanzt,
Werd' ick dänn ook moal vom Paster
In de Kerke angeranzt.